


UKUVISANISA IMITHETHO YEMBEWU YASEAFRIKA NGE-SADC NE-COMESA



Ukuvisanisa imithetho yembewu kuthetha ukuba onke amazwe akwibloko yenqila aza kusebenzisa iinkqubo ezifanayo, izatifikethi ezifanayo zembewu neenkqubo zokuvavanya, kunye nendlela efanayo yokuvala ecaleni ngenxa yesifo nemilinganiselo yezifo zezityalo zokuvelisa imbewu nokuyisasaza. Izakubanye *iRegional Seed List (Uludwe Lwembewu Lwenqila)* okanye *Ikhathalogu Yembewu Yenqila* ebonelela ngeenkukacha zeentlobo zembewu ezivunywe ngokusemthethweni kwizinga lenqila zivunywa ligunya elingumakhonya elenza izigqibo. Oku kuthetha ukuba, xa ingavunywa ngokusemthethweni i-Regional Seed List, iintlobo zembewu ezivelisiweyo zaza zavavanywa kumaxesha onyaka amabini kwilizwe elinye zingaveliswa zize zithengiswe nakwamanye amazwe akwibloko yaloo nqila.

Ukuvisaniswa kwemithetho yembewu eAfrika kumiselwa yi-regional economic communities (amaqela ezoqoqosho enqila [RECs]). Inkqubo yokumiselwa kwembewu evisisanisiweyo ye-Southern African Development Community (SADC) isebenza kumazwe ali-15 angamalungu, ngoxa imimiselo yorhwebo lwembewu evisisanisiweyo ye-Common Market for Eastern and Southern Africa's (COMESA) isebenza kumazwe ali-19 angamalungu. Amazwe ngamanye anyanzelwa ukuba ahlaziye imithetho yawo ihambisane nenkqubo yokuvisanisa yenqila. Oku kuthetha ukuba inkqubo yenqila yokumisela iza kuba negunya elingaphezu kwelikarhulumente welo lizwe kumba weentlobo zembewu ezinokukhutshwa kwinqila.

Ukuvisaniswa kujoliswe ekwandiseni urhwebo lwembewu yenqila nendima yeenkampani zabucala ekuveliseni imbewu nokuyisasaza kumazwe aliqela. Oku kuya kwandisa iimarike ezingakumbi zezi nkampani.

